

Cyngor Sir Fynwy

Telerau ac Amodau Trwydded Maes Parcio Arhosiad Byr Tymhorol

CYHOEDDWDYD YN CHWEFROR 2024

Telerau ac Amodau - Cynnwys

	Tudalen
1. Gwybodaeth Bwysig	2
2. Cymhwystra	2
3. Ble mae'r Drwydded yn Ddilys	2
4. Perchnogaeth o'r Cerbyd	2
5. Cymhwystra'r Cerbydau	3
6. Cyfrif y Drwydded	3
7. Dogfennau ar gyfer gwneud Cais	3&4
8. Costau'r Drwydded	4
9. Newid Cerbyd	4
10. Cerbydau Dros Dro/Benthyg	4
11. Ad-daliadau/Canslo	4&5
12. Adnewyddu	5
13. Deiliaid Bathodyn Glas	5
14. Gorfodaeth	5
15. Trosglwyddo a Gwerthu Trwyddedau	5
16. Diogelu Data	6
17. Twyll	6
18. Gohebu gyda ni	6

1) Gwybodaeth Bwysig

- **Mae ein Trwyddedau bellach yn Rhithwir** sy'n golygu na fydd angen trwydded bapur arnoch mwyach sydd wedi'i harddangos yn eich ffenestr flaen. Mae manylion eich cerbyd a'ch trwydded bellach i gyd yn cael eu storio'n ddiogel ar declynnau llaw ein swyddog. Rydym yn ceisio lleihau ein hól-troed papur a charbon; **felly, ni roddir unrhyw Drwyddedau Papur.**
- Wrth wneud cais am, adnewyddu, neu gynnal eich cyfrif trwydded, rydych yn cadarnhau eich bod yn deall, yn derbyn, ac yn dilyn y telerau ac amodau hyn.
- Rhaid i'r wybodaeth a ddarperir fod yn gywir. Mae'n drosedd gwneud datganiadau ffug yn fwriadol er mwyn cael trwydded.
- Mae'r Cyngor yn cadw'r hawl i wrthod neu dynnu trwyddedau ar gyfer aelwydydd y canfyddir eu bod yn cam-drin y cynllun.

2) Cymhwystra

Gall unrhyw un brynu Trwydded Maes Parcio Arhosiad Byr; nid oes angen i chi fod yn breswlydd yn Sir Fynwy.

Nid yw trwydded yn gwarantu lle i chi barcio eich cerbyd; mae'n rhoi caniatâd i chi wneud hynny yn ein meysydd parcio arhosiad byr a hir os oes lle ar gael.

3) Ble mae'r Drwydded yn Ddilys

Mae Trwydded Maes Parcio Arhosiad Byr DIM OND yn ddilys ym meysydd parcio Talu ac Arddangos Arhosiad Byr Cyngor Sir Fynwy yn y Fenni, Trefynwy neu Gas-gwent mewn unrhyw fan parcio talu ac arddangos arferol. Nid yw hyn yn cynnwys unrhyw fannau parcio neilltuedig megis mannau parcio i ddeiliaid Bathodynnau Glas neu fannau parcio ar gyfer Cerbydau Trydan (EV). Mae trwydded arall ar gael ar gyfer Meysydd Parcio Arhosiad Hir os hoffech chi gael yr opsiwn o barcio naill ai mewn meysydd parcio arhosiad hir neu arhosiad byr.

Nid oes gennych hawl ychwaith i unrhyw gonsesiynau parcio ar y stryd gyda'r drwydded hon.

Am restr o'n meysydd parcio, ewch i'n gwefan: <https://www.monmouthshire.gov.uk/car-parks/our-car-parks/>

4) Perchnogaeth o'r Cerbyd

Rhaid mai chi yw ceidwad cofrestredig neu ddefnyddiwr y cerbyd yr ydych chi'n ei enwebu. Dangosir hyn gyda'ch enw a'ch cyfeiriad yn ymddangos ar y dogfennau sy'n ymwneud â'r cerbyd yr ydych yn gwneud cais am drwydded ar ei gyfer.

Os oes gennych gar cwmni, byddwn angen llythyr gan eich cwmni ynghyd â dogfennaeth cerbyd fel yr amlinellir yn adran 7 o'r telerau ac amodau hyn.

5) Cymhwysra'r cerbyd

Rhaid i'ch cerbyd fod o'r math a'r dosbarth a nodir yn y rheoliadau. Y dosbarthiadau o gerbydau yw:

1. Cerbyd teithwyr a adeiladwyd neu a addaswyd ar gyfer cludo dim mwy na 12 o deithwyr (ac eithrio'r gyrrwr)
2. Cerbyd heb fod yn uwch na 2.28m.
3. Cerbyd heb fod yn hwy na 5.25m o hyd.

Ym mhob achos mae'n rhaid i led y cerbyd fod o'r fath fel ei fod wedi'i barcio'n gyfan gwbl o fewn terfynau'r man parcio. Os canfyddir cerbyd sydd wedi parcio y tu hwnt i'r man parcio swyddogol, gall hyn arwain at dderbyn Hysbysiad Tâl Cosb. **Nid yw trelars/carafanau yn gymwys ar gyfer trwyddedau parcio ar gyfer preswylwyr.**

6) Cyfrif y Drwydded

Mae'n ofynnol i gwsmeriaid greu a rheoli eu cyfrif trwydded barcio a lanlwytho'r ddogfennaeth gywir i'r porth diogel.

Os nad oes gennych rhyngrwyd gartref neu sganiwr, mae gan ein hybiau a llyfrgelloedd rhyngrwyd rhad ac am ddim y gallwch ei ddefnyddio. Gallant hefyd eich cynorthwyo i sganio unrhyw ddogfennau ar gyfer eich cais.

Fodd bynnag, os nad oes gennych gyfeiriad e-bost neu os nad ydych yn teimlo'n gyfforddus yn defnyddio ein porth ar-lein, gallwn brosesu trwydded i chi gan ddefnyddio ein swyddogaeth cefn swyddfa. Siaradwch â'n tîm, canolfan gyswllt neu hybiau lle gallant roi cyngor i chi ar y wybodaeth sydd ei hangen i fodloni'r cais hwn. Sylwch, mae hyn yn golygu na fydd gennych gyfrif ar-lein a bydd angen i chi ffonio ein harianwyr i dalu am eich trwydded. Eich cyfrifoldeb chi hefyd fydd sicrhau eich bod yn dilyn yr un peth â'r pwyntiau isod.

Fel deiliad Cyfrif y Drwydded, eich cyfrifoldeb chi yw sicrhau:

- Bod eich cyfrif a'ch manylion cyswllt yn gyfredol a bod yr holl wybodaeth a ddarparwyd yn gywir.
- Bod eich trwydded yn ddilys ac yn cael ei hadnewyddu ar amser.
- Defnyddir eich trwydded yn unol â'r amodau defnyddio.

7) Dogfennau ar gyfer gwneud Cais

Sylwch, er bod angen y dogfennau hyn ar y cais cyntaf, rydym yn cadw'r hawl i ofyn am ddogfennau wedi'u diweddarau gan breswylwyr sy'n adnewyddu eu cais.

Bydd ceisiadau am drwydded i breswylwyr yn cael eu gohirio os cyflwynir ceisiadau heb y dystiolaeth gywir.

Prawf o Berchnogaeth Cerbyd (ar gyfer ceisiadau newydd/newid cerbyd)

Dim ond copi o un o'r dogfennau a restrir isod y byddwn yn ei dderbyn. Rhaid i ddogfennau a ddarperir ddangos enw, cyfeiriad a rhif cofrestru cerbyd yr un ymgeisydd â'r cais.

- Dogfen Gofrestru Cerbyd (V5CW)

- Tystysgrif Yswiriant Modur Cyfredol
- Cytundeb Llogi/Prydlesu
- Bil Gwerthiant Swyddogol (os prynwyd y cerbyd yn ystod y mis diwethaf)
- Os ydych yn gyrru cerbyd cwmni, byddwn angen llythyr gan eich cyflogwr ar lythyr swyddogol o'r cwmni, yn cadarnhau mai chi sy'n berchen ar y cerbyd neu'n ei lesio ac mai chi yw unig geidwad a defnyddiwr y cerbyd. Byddwn hefyd angen i'ch cyflogwr ddarparu copi o ddogfen cofrestru'r cerbyd (V5CW) neu'r cytundeb prydles.

8) Costau'r Drwydded

Mae Trwyddedau Maes Parcio Arhosiad Byr ar gael i'w prynu am gyfnodau o 3 mis, 6 mis a 12 mis. Maent yn unol â'n ffioedd a'n taliadau cymeradwy cyfredol.

9) Newid y Cerbyd

Os byddwch yn newid eich cerbyd yn ystod dilysrwydd eich trwydded, rhaid i chi roi gwybod i ni ar unwaith drwy gyflwyno cais newid cerbyd ar eich cyfrif trwydded. Os oes gennych drwydded bapur o hyd, rhaid i chi ei dychwelyd atom. Anfonwch e-bost atom - carparking@monmouthshire.gov.uk fel y gallwn eich cynghori ar sut i ddychwelyd y drwydded atom. Bydd gofyn i chi hefyd ddangos prawf o berchnogaeth ar gyfer eich cerbyd newydd. Disgrifir y dogfennau a dderbyniwn yn adran 7 o'r telerau ac amodau hyn. Ni chodir tâl am y newid cerbyd cyntaf mewn unrhyw flwyddyn drwydded. Fodd bynnag, codir tâl am newidiadau dilynol ar gyfradd o £10.00 y drwydded. Gall methu â rhoi gwybod i ni am newid cerbyd arwain at roi Hysbysiad Tâl Cosb.

10) Cerbydau Dros Dro/Benthyg

Os yw eich cerbyd trwydded preswlydd gweithredol yn cael ei drwsio neu ei wasanaethu, gallwch osod y cerbyd a ddarperir gan y garej, y siop atgyweirio neu'r cwmni yswiriant yn ei le dros dro. Rhaid i chi roi gwybod i ni ar unwaith am hyn. Dim ond 1 cerbyd dros dro/benthyg all feddu ar drwydded a bydd hyn am gyfnod o 14 diwrnod ar y tro.

Bydd angen i chi e-bostio carparking@monmouthshire.gov.uk i awdurdodi hyn.

11) Ad-daliadau Canslo

Gellir rhoi ad-daliad os nad oes angen eich trwydded barcio tymor arnoch mwyach, fodd bynnag, bydd tâl gweinyddol o £20.00 yn cael ei dynnu o'r swm terfynol. Os yw eich trwydded yn drwydded bapur a'ch bod am wneud cais am ad-daliad, bydd angen ei dychwelyd i'n swyddfa, gyda chais ysgrifenedig am ad-daliad. Byddwn yn dechrau'r ad-daliad o'r diwrnod y byddwn yn derbyn y drwydded yn y post. Os yw'r drwydded yn rhithwir, gallwch gyflwyno cais ar eich cyfrif trwydded a fydd yn rhoi gwybod i ni, a byddwn yn cysylltu â chi i drefnu hyn.

Os gellir darparu prawf o werthiant y cerbyd, gellir ystyried yr eithriadau hyn yn ôl disgrisiwn rheolwr yr adran.

Rhaid canslo'r drwydded os bydd unrhyw un o'r amgylchiadau canlynol yn codi:

a) os ydych yn gwerthu neu'n gwaredu'r cerbyd a ddangosir ar y drwydded

b) bod y Cyngor yn tynnu'r drwydded yn ôl, neu os yw'n peidio â bod yn ddilys am unrhyw reswm arall.

12) Adnewyddu

Eich cyfrifoldeb chi yw adnewyddu eich trwydded. Fe'ch cynghorir i wneud cais i adnewyddu eich trwydded o leiaf 14 diwrnod cyn iddi ddod i ben er mwyn gallu prosesu hyn mewn da o bryd. Caniatewch ddigon o amser i'r adnewyddiad gael ei brosesu cyn i'r drwydded bresennol ddod i ben.

Nid oes gennych hawl i ddefnyddio manau parcio preswylwyr ar y stryd, na pharcio yn y maes parcio oni bai bod gennych drwydded barcio ddilys i breswylwyr. **Os ydych wedi gwneud cais am drwydded, nid yw hyn yn rhoi unrhyw hawl i fuddion parcio.**

13) Deiliaid Bathodyn Glas

Nid oes angen i Ddeiliaid Bathodyn Glas wneud cais am Drwydded Tymor ar hyn o bryd. Mae hyn oherwydd bod ein meysydd parcio yn rhad ac am ddim i'w defnyddio gan ddeiliaid Bathodyn Glas sy'n arddangos bathodyn glas dilys heb unrhyw gyfyngiadau amser mewn unrhyw fae. NID yw hyn yn cynnwys manau parcio swyddogol ar gyfer Cerbydau Trydan (EV).

14) Gorfodaeth

Mae Swyddogion Gorfodaeth Sifil y Cyngor yn patrolio Parthau Parcio Preswyl yn rheolaidd. Rhaid i gerbydau barcio'n gyfan gwbl yn y manau parcio sydd wedi'u nodi ar y ffordd neu yn y meysydd parcio. Rhaid parcio cerbydau fel nad ydynt yn achosi rhwystr i'r briffordd. Gall methu â gwneud hynny arwain at gamau gorfodi gan yr Heddlu neu'r Cyngor.

Tra bod cerbyd wedi'i barcio naill ai mewn Parth Parcio Preswylwyr Ar/Oddi ar y Stryd, ni ddylid ei ddefnyddio ar y cyd â gwerthu neu gynnig llogi unrhyw wasanaeth.

Gall cerbydau y gwelir eu bod wedi'u parcio heb drwydded ddilys, sy'n defnyddio man parcio gwahanol heb awdurdod neu'n torri rheoliadau parcio'r Cyngor, dderbyn Hysbysiad Tâl Cosb (PCN) o hyd at £70.

Ni fydd y Cyngor yn derbyn unrhyw gyfrifoldeb am ddifrod, lladrad, neu golled, neu i, unrhyw gerbyd neu ei gynnwys tra wedi parcio mewn Parth Parcio Preswylwyr.

15) Trosglwyddo a gwerthu trwyddedau

Nid yw Trwyddedau Preswylwyr yn drosglwyddadwy rhwng cerbydau ac yn ddilys yn unig ar gyfer y cerbyd a restrir. Os byddwch yn newid eich cerbyd, bydd angen diweddarau'r drwydded – ewch i Adran 9.

Ni allwch rannu, gwerthu na rhoi eich trwydded i unrhyw un arall. Rydym yn cadw'r hawl i gymryd camau yn erbyn unrhyw un y canfyddir ei fod yn prynu ar ran, yn gwerthu i, neu'n cynnig trwyddedau gwerthu i unrhyw un arall. Mae'r camau y gallwn eu cymryd yn cynnwys atal neu ddileu eich cyfrif trwydded yn barhaol.

16) Diogelu Data

Bydd Cyngor Sir Fynwy yn prosesu'r wybodaeth a ddarparwyd gennych yn y cais hwn yn unol â Deddfwriaeth Diogelu Data. I ddysgu mwy am sut rydym yn defnyddio eich data personol, ewch i'n gwefan i weld ein Hysbysiad Preifatrwydd: <https://www.monmouthshire.gov.uk/your-privacy/>

17) Twyll

Mae gan Gyngor Sir Fynwy ddyletswydd i ddiogelu'r arian cyhoeddus y mae'n ei weinyddu, ac i'r perwyl hwn gall ddefnyddio'r wybodaeth a ddarparwyd gennych ar eich cais i atal a chanfod twyll. Gall hefyd rannu'r wybodaeth hon â chyrrff eraill sy'n gyfrifol am archwilio neu weinyddu arian cyhoeddus at y dibenion hyn. Mae hyn yn rhan o'r Fenter Twyll Genedlaethol. Mae'n bosibl y byddwn yn cynnal gwiriadau awtomataidd i gadarnhau eich bod yn byw yn y cyfeiriad a ddarparwyd gennych. Mae hyn yn cynnwys gwirio'r gofrestr etholiadol a chofnodion y Dreth Gyngor. Am ragor o wybodaeth, ewch i'n gwefan i weld ein hysbysiad prosesu teg: <https://www.monmouthshire.gov.uk/audit>

18) Gohebu gyda ni

Gellir e-bostio unrhyw ohebiaeth/dogfennau i: carparking@monmouthshire.gov.uk

Os bydd angen i chi ysgrifennu atom/dychwelyd dogfennau gwreiddiol, dylech eu postio at:

Adran Parcio Ceir, Cyngor Sir Fynwy, Neuadd y Sir, Y Rhadyr, Brynbuga, NP15 1GA.